


陝西通志



第二十七卷  
學校

DS  
793  
S45S5  
1735  
v.27








陝西通志第二十七卷

學校

辟靡鐘鼓於皇鎬京中天麗日大道昌明三物四術立範垂型漢更秦弊綿蕝是營講求同異渠閣談經唐開六館雅鄭競鳴卓彼關儒鑰啟西銘勗哉德造樂育觀成作學校志第十一



陝西西安布政使司所屬五府十二州七十三縣共設儒學九十所膠庠選取師生教養之規詳列焉其課試拔補充貢為學政所通行者不載

雍正元年

恩詔各省入學額數大學加七名

西安府等大學二十一學  
共廣額一百四十七名

中學加

五名

咸陽等中學二十九學  
共廣額一百四十五名

小學加三名

藍田等小學二十七學  
共廣額一百一十一名



恩加一次後不為例 雍正二年文童廣額蒲城縣舊係大學照

府大學例取二十名咸陽同州乾州武功鄠縣興平膚施洛川清

澗寶雞城固興安州舊係中學照大學例各取十五名三水商州

安定葭州汧陽沔縣舊係小學照中學例各取十二名華陰縣舊

係中學潼關衛裁衛籍入華陰照府大學例額取二十名

雍正五年改潼

關衛為縣華潼二縣文童入學名數照中學例各取十二名

鳳翔府學舊係中學照府大學例

額取二十名 武童廣額咸寧長安蒲城華州鳳翔縣舊係大學

照府大學例各取二十名咸陽乾州同州鄠縣膚施岐山城固興

安州舊係中學照大學例各取十五名商州藍田神木榆林靖邊

舊係小學照中學例各取十二名鳳翔府學舊係中學照府大學

例額取二十名 雍正十一年禮部覆准陝西學政潘允敏 奏

請新設榆林府學取進文武童生各十二名定邊懷遠取進文武



童生各八名榆林靖邊武童舊額十二名應減四名文童仍取八名同州華州綏德州韓城郃陽清澗三原等州縣照府學額數取進文童各二十名商州澄城華陰醴泉等州縣照大學額數取進文童各十五名米脂武童照大學例取進十五名

大清會典學田之設原以供春秋饗祀及贍給貧士之用有舊置者有助給者歷年多寡不一康熙二十二年直省冊報陝西西延等處學田五十五頃二十畝租銀一百五十六兩三錢租糧一千二百三十七石九斗衛所學田一頃八畝租麥九石六斗三升六合米九石六斗三升六合 雍正五年西鳳漢三府興商華同郃乾耀七州屬冊報學田原額并續墾共地五十四頃六十四畝五釐八毫五絲內除南鄭縣陸續開墾外止荒蕪并射圃亭占地二頃三畝九分八釐五毫實在熟地通共五十二頃六十畝七釐三毫



五絲惟畧陽縣地係岩坡山溝難以計畝學租每年共徵麥穀雜糧一千二十一石九斗八升四合一勺二抄租銀一百五十四兩四錢一分七釐三毫九絲 又查報義田案內申報西安府渭南縣學田地七十八畝每年徵麥穀一十一石七斗 又西安府咸長二縣并華州潼關縣雍正五年分造報舊時按院置學田地共二百六十一畝四分七釐八毫咸長二縣學租共一百十五石九斗三升二合潼關學租棉花六十觔

俱未入奏銷

按以上學田學租入雍正五年奏銷又據各屬冊報餘

### 西安府

府學

大學

在府治東南即宋金學校舊址元至正間行省平章廉希

憲重脩學士虞集記明成化九年巡撫馬文升知府孫仁拓脩

學士商輅記



本朝順治十年提學田厥茂重脩有記

宋景祐二年侍郎范雍奏昨知永興軍前資寄住官員頗多子弟輩不務肯構惟恣輕薄蓋由別無學校勵業之所致到任後奏建府學兼賜九經書差官主掌每日講授據本府分析見有脩業進士一百三十七人在學關中風氣稍變權節度掌書記陳諭管勾乞降勅命令常遵守中書劄子學制大門三間前有譽髦斯士坊門內為泮池儀門內當甬道為魁星樓正中上面為明倫堂五間兩旁為四齋曰志道曰據德曰依仁曰游藝各三楹東西號舍各三十六間堂後為尊經閣五間上貯書籍閣旁碑亭二座閣後神器庫六間敬一亭在殿後射圃亭在長安縣學右府志府學文廟歲久頽敝成化戊子副都御史馬文升巡撫是邦意圖恢拓未果越壬辰秋仲釋奠適大風雨殿廡傾圯廼謀



諸巡按蘓盛布政朱英按察宋有文撤而新之令西安知府孫仁出公帑羨餘擴其舊址首建大成殿七間兩廡各三十間次作戟門櫺星門神厨齋房泮池及殿後漢唐石刻之屬舊覆亭宇咸增新之經始於癸巳春正月至秋八月訖工

商輅儒學碑記

西安

居省會郡一邑二故學三而廟一廟當城南門之東宅巽離中郡學掖而右咸寧邑治在東故學亦東長安邑治在西學亦在西東學之東為啟聖祠廟之後環列古諸石經名刻覆以步欄俗謂碑洞洞後正南面建亭奉敬一箴而箴之東西各為亭尊制也郡學明倫堂後特峙尊經一閣典籍藏焉一廟三學宏規壯觀凡學宮鮮其儷郡學宋已居此二邑學則明成化中建嘉靖間都御史王堯封布政使黃臣知府李文極鹽城夏雷接踵聿新萬曆癸巳淫潦彌時公私垣舍大壞廟學滋甚知縣李



中謀諸長安令沈聽之相與共請諸道府於是工成不日焉人

周宇記

正學書院在府治西南蓋宋橫渠張子倡道之地門人呂大鈞等皆得其傳元許魯齋主學事亦多造就後省臣建議為書院合祀橫渠魯齋及其鄉賢楊元甫而聚徒講學其間入明百餘年遺址無存至弘治九年提學副使楊一清卜地重建

大學士李東陽

記弘治中提學王雲鳳建書樓於正學書院廣收書籍以資諸

生誦覽嘉靖中唐龍督學時士學趨詭異乃新正學書院選士羣肄之刻其奇靡而約諸理其所登進者悉為名臣

賈志本傳

萬曆

乙酉許孚遠督關中學禮聘三原王之士多士興起

關學編

國初巡撫賈漢復重脩同州李楷有記

關中書院在府治東南明萬曆三十七年布政汪可受按察李



天麟叅政熊應占閔洪學副使陳寧段猷顯為馮從吾講學建其講堂額曰允執從吾有記

學田

按府學廩餼及貧士俱長咸二縣學租內支給不另設學田各府學倣此

長安縣學

學大

舊在縣治西明成化九年巡撫馬文升議徙府學西

萬曆三十七年知縣楊鶴重脩改移泮池增置棹櫓雲路

本朝順治八年知縣樊鴻選訓導張宏業重脩有記

社學六所嚴家渠周家庄席房邨灣邨香積寺姜村堡各一區

學田三頃四畝五分八釐租一百二十二石九升九合又舊有

按院置學田地一頃一十六畝九分二釐九毫徵租四十六石

一斗六升

咸寧縣學

學大

舊在縣治西明成化七年提學副使伍福奏徙府學

東

按徙時在成化九年

知府余子俊脩嘉靖十一年知府李文極萬曆



三年知縣李生芳重脩郡人府尹王鶴記十八年知縣李得中又脩

本朝順治十二年知縣余國柱康熙三年知縣黃家鼎增修俱有碑記

魯齋書院在咸寧縣治東北

續文獻通考

延祐元年京兆為故儒臣

許衡立魯齋書院降璽書旌之

元史仁宗本紀○按今廢

社學四所新住鎮香胡灣黃渠頭狄寨鎮各一區

學田六頃四畝七分三釐二毫租二百五石八升六合又舊有按院置學田地一頃二十九畝五分四釐九毫徵租六十九石七斗六升六合

咸陽縣學

學大

在縣治西明洪武四年縣丞孔文郁建天順二年知

縣賈仁重脩叅議許彬記正德元年知縣孟統又脩教諭孔慶



記

社學四所一在縣治其三所在賈村雙照等里

學田地三十九畝二分租二十石六斗四升

興平縣學

學大

在縣治西明洪武三年知縣沈訥建成化十年知縣

王惊弘治九年知縣朱瑄正德間知縣李應陽嘉靖間知縣孔完重脩四十年知縣朱文增脩武功張鍊記

本朝順治十五年知縣徐開熙重建有記

學田地一百畝租三十五石

臨潼縣學

學大

舊在縣城北宋咸平中知縣趙恪改建主簿王漢有

記元至元二十九年知縣馬忙脩韓擇有記至正十五年冬官尚書趙公諒重脩太史歐陽元有記明洪武二年重建長史易謙記成化間知縣劉聰高垣繼脩嘉靖間地震學圯萬曆十



年知縣劉應聘增脩尚書溫純記

本朝康熙四十二年教諭張鍾因傾圮捐俸徙建於廟東

橫渠書院在縣治東南即察院廢址康熙三十七年知縣趙于京建有碑記

驪山書院在驪山下即古白鹿書院舊址

居善書院在學西取易居賢善俗之義元工部尚書趙公諒建

歐陽元有記

按今廢

社學一在橫渠書院一在驪山書院

學田地九十六畝八分租一十七石三斗四升五合

高陵縣學

中

在縣治北宋紹聖元年知縣朱革建縣尉吳柔嘉記

崇寧四年知縣范棟重脩自撰記元中統二年縣丞張鼎更建

有記明洪武六年重脩正統間知縣張錦天順間知縣張琦張



傑相繼脩成化二十年知縣段讓脩知縣劉安記弘治六年知縣楊舟嘉靖四年知縣鄧興仁脩提學副使唐龍記十年知縣楊剛又脩

本朝順治十年知縣王元捷脩十八年邑人李原茂捐資增脩進士魚飛漢記康熙十九年知縣張都修有自記五十八年知縣熊士伯又脩

渭上書院在縣南渭北元延祐初建見學士蕭鄭撰三原學古

書院記

按府志明時高陵又有涇野書院今並廢

社學五所一在縣治西街其四在鄉之店子頭魏村等各里

義學三所一在楊官寨一在東馬家村一在河南馬家村雍正七年立

學田地一頃一十一畝七分三釐租二十五石一斗三升六合



六勺

鄆縣學

大學

舊在縣城外明洪武七年教諭張紳移建縣西永樂十

二年教諭方蘄訓導馮翊撤而新之正統十二年知縣徐純脩  
侍講楊鼎記嘉靖六年知縣康天爵崇禎十一年知縣張宗孟  
重脩

本朝順治十一年知縣魏似韓十八年署縣駱鍾麟康熙十七年知  
縣曹爾弼二十一年知縣康如璉相繼脩三十八年知縣朱文  
卿重脩有記

漢陂書院在縣治西

二曲書院在縣西南三里王心敬延其師李二曲顓講學於此  
提學高爾公爲之建坊

社學在鄉賢祠內



義學在縣治西街明知縣朱廷琦

本朝知縣劉文燦合祀祠內

學田地三十七畝五分租二十二石五斗

社田康熙五十七年督學覺羅逢泰捐置五畝租三石又知縣吳廷芝捐置四畝租六石八斗又官紳士子等共捐置地二畝租三石二斗

藍田縣學

中

在縣治南明洪武十年知縣樓璉建正統八年知縣

王禧嘉靖六年知縣王科修二十八年巡按程軌增修都御史許宗魯記萬曆間知縣李景登三十年知縣王邦才重脩尚書孫丕揚記

本朝順治十年知縣蘓就大復脩

灝州書院在縣治南唐學士李元通建明弘治時知縣任



重脩

芸閣書院在縣治北五里宋呂大臨建明知縣任文獻重脩

府按

志呂氏四賢祠後有芸閣寺俗呼呂氏菴引治中提學王雲鳳  
撤佛像匾曰芸閣書院又有秦關書院知縣梁一遵爲博士王  
之士建秦關者之  
士別號也今廢

社學在縣治厚子鎮南大寨故景川洩湖鎮安邨等里共五所  
學田地六十畝租二十二石一斗六升七合二勺

涇陽縣學

學大

在縣治西南宋元祐五年建明洪武二年知縣張師

孟重建天順元年主簿潘敏嘉靖間知縣樊鍾岱朱友達萬曆  
三年知縣傅好禮崇禎五年知縣梁士淳相繼增脩

本朝順治五年知縣張應召重脩自爲記

學田地共四十三畝六分四釐四毫五絲租二十六石一斗八  
升六合七勺



三原縣學

大學

在縣治西北元大德十年鎮人張德明勸建縣尹郭

真拓脩至正十年縣尹李誠修二十八年左丞陳思道重脩侍

御董立記明洪武二年縣丞仰山重建成化十二年知縣李景

繁弘治四年知縣馬龍萬間邑進士溫純脩

本朝康熙二十一年知縣葉章重脩提學葉映榴有記康熙三十五年知縣俞璉增脩

學古書院在縣治西北元延祐七年邑人李子敬暨弟子懋勗

建蕭鄭有記

府志

三原李子敬創學古書院延涇陽程瑁講學其

中遠近從遊者百餘人稱悅古先生

關學編

明弘治元年西安知

府徐政重建嘉靖四十四年地震圯四十六年縣丞張九功

脩按察使喬世寧撰碑萬曆間巡按傅振商增脩有記

弘道書院在縣治北明弘治九年建邑人兵科給事中王承裕



從遊之士講學於此

副使王雲鳳記

王端毅致仕康僖以進士侍歸講

學弘道書院三原馬理即受講康僖所

編關學

嵯峨書院邑人光祿卿馬理講學處提學唐龍有記

按今廢

社學在縣南門內

學田地五十六畝九分二釐租二十三石一斗八合

盤屋縣學

學大

在縣治東南元大德十一年建至正間知縣王淵脩

明洪武四年重脩三十年監察使師存智弘治間知縣蕭選正

德間知縣吳愚嘉靖間知縣姒昂四十二年知縣何起鳴萬曆

間知縣梁克順天啓間知縣田時暢相繼增脩

本朝順治八年知縣張成功又脩十七年知縣駱鍾麟重建徐開熙

有記康熙十七年知縣章泰捐脩五十六年署縣吳廷芝教諭

安其位五十八年知縣董霑增修俱有記



集賢書院在倉右嘉靖二十五年知縣李春芳方構堂寢會行  
取去四十二年知縣何起鳴增脩額爲集賢書院按今廢

學田地一頃三十五畝五釐租五十二石五斗七合六勺

渭南縣學

大

在縣治東明洪武二年縣丞吳雲建成化九年知縣

周寧脩嘉靖間以地圯圯知縣李希維重建知縣王宮用趙雲  
程脩隆慶間知縣梁許帥祥萬曆間知縣張棟楊所相繼增脩  
南師仲記

本朝順治十年知縣尚九遷脩員外李毓英記十四年知縣陸贊奇  
重脩有自記康熙初年知縣孫熿脩四十二年知縣黃培捐俸  
倡脩舉人孫士傑記

五鳳書院在縣治西南

學田二頃八十二畝二分六釐一毫租五十六石四斗五升二



合二勺又查報義田案內學田地七十八畝租一十一石七斗

富平縣學大在縣治東北明洪武三年主簿陳忠信建九年縣丞

芮弼脩天順五年知縣王傑成化十八年知縣張本弘治五年

知縣陳潤八年知縣李良正德六年知縣劉藻嘉靖三十五年

知縣趙桐隆慶間知縣史燦萬曆七年知縣劉兌相總增脩

本朝康熙十九年知縣郭傳芳五十二年知縣楊勤重脩

新城書院在縣西明嘉靖九年知縣劉希簡建

學田地一頃五畝六分九釐九毫五絲租三十九石三升六合

二勺

醴泉縣學

大

初在舊縣治東南宋皇祐間殿中丞薛周創建明洪

武四年移今縣治東弘治六年知縣王錫脩十年提學副使楊

一清議徙縣治南十六年知縣李用嘉靖九年署縣同知劉茂



賢總脩萬曆二十三年知縣張大美脩有記天啓五年知縣蕭如尹又脩

本朝康熙二年知縣查蜚英十三年知縣鄭廷秀署縣王爾謙十九年知縣劉名譽教諭喬子煜訓導陳楷三十八年知縣裘陳佩教諭梁應辰相繼重脩雍正九年署縣錢界捐俸倡修社學舊在城西萬曆間知縣張大美移置新城南門內學田地三十八畝五分租一十一石五斗五升

延安府

府學

大學

在府治北明洪武十一年知府俞濟民建弘治八年知府

崔陞徙城東尋圯於水知府李延壽復徙城北東向正德間知府王彥奇仍改南向

本朝順治六年知府李肇源陳培基重脩十六年復遭大水知府



天宿重新康熙九年知府王廷弼十八年知府陳天植總脩

龍溪書院在府城北艷陽谷內後有渠流鑿石曲引以入泮池  
故名知府王彥奇有源頭活水記今遺址猶存

雲夢書院在府城北關今存遺址石巖刊雲夢山三大字

嘉嶺書院在府城東南宋范仲淹建明弘治十七年知府王彥  
奇重建萬曆間進士張廷玉增脩

雲巖書院在府城梓潼廟內萬曆間進士李賦秀建

楊公書院在府城西北石巖刊雲山一覽四大字太保楊兆建

社學在府治南關明正德七年知府王彥奇建

本朝康熙十八年知府陳天植捐貲屢葺

社田六十畝康熙四十年知府吳存禮置

膚施縣學大學在縣治東明洪武間知縣何原華建弘治八年知府



崔陞增脩

本朝順治間知縣傅鞠宋瑀康熙二十一年知縣邵有聲六十一年知縣于錫繁重脩雍正五年知府吳瑞捐脩有記

社學在縣治東關

安塞縣學

學小

在縣治南元大德三年知縣劉秉實教諭蕭允中脩

建明成化十四年知縣楊璿李瓘脩教諭邊瑤有記正統間知縣李恪重建景泰二年脩萬曆八年知縣方盡美總脩滄州知州丑珣有記萬曆四十六年知縣丁允中重脩進士趙彥記崇禎元年府同知周承恩知縣韓嘉樟總脩

本朝順治十二年知縣郭聯康熙九年知縣張抱訓導張灝發十六年知縣馬震又修三十三年知縣張起鵬訓導杜世芳倡脩有記四十九年知縣朱溜重脩



社學一在西川龍石頭一在北川李家溝

義學在縣治西康熙六十一年知縣徐珩倡脩

甘泉縣學

小學

舊在縣治西南明成化間知縣王鳳建弘治二年知

縣李世重脩萬曆二十二年知縣高桂徙於縣治東南山下翰

林王圖有記

本朝雍正四年知縣吳敦儉倡脩

義學在縣治西南

學田三十畝租粟米一斗銀三錢

安定縣學

中學

在縣治東元至元四年知縣段允恭建明洪武二年

主簿羅倫脩宣德九年知縣劉整拓脩正統十四年知縣鄭淇

成化十二年知縣徐彬嘉靖十年知縣郭廷仁四十三年知縣

孫黃萬曆十七年知縣王光祖二十六年知縣高天命三十五



年知縣喬鍾秀相繼脩

本朝順治八年知縣李嘉引康熙二年知縣張洪謨八年知縣朱尚義十三年知縣楊蘊三十八年知縣董一薰總脩雍正二年知縣施成澤捐脩進士王鴻薦有記

社學一在縣城內一在瓦窰堡雍正二年知縣施成澤建

保安縣學

學小

在縣南一里元延祐三年縣尉馮顯建明永樂四年

重脩嘉靖間邑人大學士王大任增脩

本朝順治十五年知縣張嗣賢重建進士郭指南有記

義學在縣南文廟旁

宜川縣學

學中

舊在縣治西元至元二年知縣李宥建至正十二年

知縣劉士涇明洪武九年知縣高以敬脩嘉靖間徙縣治東嘉靖間署事府同知石巍增脩給事降典史曹徵庸重脩有記



本朝順治十四年知縣王道亨雍正三年知縣王志深又脩有碑記  
瑞泉書院在縣治西南山阿舊有達觀樓順治四年知縣陳展  
銘鑿井於其間因以瑞泉名今猶存基址

社學在縣城七郎山下康熙三十五年知縣畢益謹建

延川縣學

學小

在縣治西元至治元年知縣王恪建明洪武三年知

縣張友先重脩

本朝順治九年知縣錢茂秦十五年知縣劉穀總脩

延長縣學

學小

在縣治東宋崇寧初建明洪武十四年知縣丁傑脩

天順間知縣孫逢吉成化間知縣宗麟總脩教諭劉崇德有記

本朝康熙十八年知縣孫芳馨增脩提學葉映榴有記

社學在縣治西街

義學在縣治東文昌祠內



鳳翔府

府學

大學

舊在府治東一里許宋慶曆中建金大定初兵燬明昌元

年重建元末徙府治東南明洪武四年知府周煥重脩正統間  
知府扈遲成化間知府侯瓚張本濟正德間知府王江總脩嘉  
靖四十四年知府史官增脩郡人周易有記

天曆二年六月賜鳳翔岐陽書院額書院祀周文憲王仍命設

學官春秋釋奠如孔子廟儀

元史文宗本紀

岐陽書院在府治東明正

德中知府王江重建隆慶四年知府黃翼重脩郡人周易有記

崇禎九年知府熊應元鳳翔縣知縣楊大勲增脩

府志

知府王江

謁周文憲公祠於岐山尋太公望遺蹟於寶雞之渭濱又得召

公蒞之召亭於岐山縣南及張獻公子厚祠於渭之橫渠乃謀  
諸寮案及縉紳耆舊相度於東郭有寺曰寶昌者地形亢爽



拱南山左潞澗水足爲奉神育才之所遂撤佛宇僧舍之半以周垣中祀周之三公以橫渠配東西祀名宦鄉賢匾曰岐陽

書院

兵部尚書彭澤記

鳳翔縣學

大學

在縣治東南明洪武六年知縣趙士奇建正德十四

年知府王江重脩歲久傾圯萬曆三年知縣王與可重新

本朝順治十年知府王纘聖知縣蔣仲寶縣丞李日芳重脩邑人袁楷有記

鳳翔古岐周文武成康之遺址城內東南隅迤東曰文廟迤西

曰府學再西曰縣學皆南向風雨剝落萬曆癸酉知府鄒廷望

見府學落成縣學如故乃議轉請各憲甲戌春循序鳩工知府

王楷總其事知縣王與可告成遂與府學並美焉

郡人周易記

義學一在城內西寺一在城外東嶽廟



學田二十三畝一分一釐六毫租十石四斗七升八合

岐山縣學

大

在縣治東唐武德四年建宋雍熙中重脩金末兵燹

元至元二十八年知縣張蕩古重建推官文禮愷記明洪武四年知縣榮節正德十三年教諭王治嘉靖三十四年知縣令狐一豸韓廷芳相繼脩

本朝順治十四年知縣王穀倡修康熙二十四年知縣茹儀鳳重脩有碑記

學田原額七十畝四分零明萬曆二十四年提學沈季文置有記除荒熟地三十四畝四分一毫租一十七石二斗五勺

扶風縣學

中

在縣治東唐大曆二年縣尉袁弁建宋皇祐元年知縣王宗元脩京兆姚嗣宗有記元延祐五年知縣張祐又脩



洪武四年主簿張一初宣德元年知縣宋端成化十三年知縣  
盧恕正德二年知縣張諝嘉靖二年知縣孫昌三十三年知縣  
楊洞萬曆三十四年知縣王祈正四十一年知縣馬政和相繼  
增修

多賢書院在飛鳳山弘治間建

按今廢

社學五所一在縣治北街一在杏林鎮一在絳帳鎮一在召公  
鎮一在崇正鎮每學延社師一人署令吳炬建

義學在治東文廟右

學田六十四畝八分五釐租一十九石四斗五升五合

社學田十畝在堡城里歸縣社學十畝在通遠里歸杏林鎮學  
十畝在堡城里四甲歸召公鎮學十畝在長命里歸絳帳鎮學  
十畝在鳳泉里歸崇正鎮學共田五十畝徵租十九石俱署令



吳岨捐置

鄒縣學

中學

舊在縣治西元至正九年縣令趙名時建明洪武十四

年知縣林思正成化十八年知縣史賢脩弘治八年提學楊一清徙治東嘉靖十四年知縣程章仍徙縣西崇禎元年侍御強思重脩御史劉九經有記

本朝康熙十年知縣梅遇品又脩有自記

橫渠書院在鄒縣東五十里宋儒張子故居中有祠堂元泰定

四年建文禮愷作記

續文獻通考

本朝康熙五十一年重脩

社學一在橫渠書院一在東關社倉左

學田一十八畝四分八釐七毫租五石五斗四升六合一勺

難縣學

大學

在縣治西元泰定四年教諭陳履謙建明洪武九年



縣丞吳彞訓導郭誠重建

義學二所一在學宮西康熙二十二年知縣呂時達建一在縣東五十里王家村雍正九年知縣梁成武建

學田原額六十一畝零明萬曆二十四年提學沈季文置有記除荒熟地四十二畝五分租二十三石三斗七升五合

社學田三等地十七畝坐落陵原二等地十畝坐落城南二里俱知縣呂時達康熙二十二年置歲徵租共六石四斗

汧陽縣學中舊在故城內明正德間重脩嘉靖二十六年因圯於

水移置今縣治東署令侯儒有遷學碑記

社學在城東北隅署令侯儒有記

學田八畝租一石四斗四升

麟遊縣學

小

在縣治東郭明洪武八年建弘治十五年知縣胡吳



徙文廟以遺址建學周垣植栢千餘株三原王恕有記嘉靖四十一年知縣周誥萬曆十二年邑紳何廷琦增脩提學許孚遠有記三十六年知縣熊文煊又脩

本朝康熙四十二年知縣范光曦教諭羅魁訓導蘭國衡重脩

隴州學

中

舊在東故城內明宣德六年圯於水知州郭宗儀徙今

州治西南二里成化間知州遲恭陳俊李鏞總脩提學劉安止有記嘉靖六年知州李暹脩州人叅議閻欽記隆慶三年知州楊世卿重脩都御史趙時春記

本朝順治十一年學正蘓萬邦重脩

岍山書院在州西北五里明弘治間州人叅政閻仲實建內有崇經閣長沙李東陽記今圯

學田一十六畝二分租銀一兩五分



漢中府

府學

大學

在府治西南宋慶曆中建學於城外東南里許元至元六

年提舉王德輿移置城中元末兵燹明洪武五年知府費震重

建成化九年副使梁觀知府趙玉弘治十五年知府周東嘉靖

五年南鄭知縣張佑萬曆二十六年知府李有實三十年知府

崔應科相繼脩

本朝順治五年知府張元初又脩康熙二十五年知府滕天綬倡脩

有記

自明洪武以來雖後先繕治然皆制仍其舊成化初知府趙玉

抵官即以作新爲已任踰四載乃決意是圖適副使梁觀撫治

茲土亟贊其成工師度材方以不得大木爲憂維時六月大雨

連日漢水暴溢漂流巨木蔽江而下抵岸遽止憲副暨守備李



武率軍民輦至屹如山積闔郡驚訝皆謂天相斯文於是刻日

肇事撤舊作新凡所宜有罔不悉備

提學伍福記

南鄭縣學

大學

舊在縣治東南明洪武八年知縣陳師錫建成化九

年副使梁覲徙建府學文廟右正德十四年副使呂和重脩呂

柟有記

本朝康熙二十三年知府滕天綬又脩

南鄭爲郡附郭邑郡邑各一學而夫子廟尊經閣則共之明洪

武八年知縣陳師錫創建成化九年副使梁覲徙置今地歲久

傾圯正德間副使呂和駐節關南憫邑庠之久廢以興復爲已

任乃一新之

高陵呂柟記

學田一頃一畝三分租銀一十三兩五錢九分八釐五絲

褒城縣學

中學

宋慶曆間倚於江岸竇充宰褒建有自記崇寧中張



克獲移治西三十步蘓時有記慶元中陳彪重葺明洪武間知縣段勉始移建今縣治西南弘治十一年知縣張表重脩大學士楊廷和有記嘉靖十一年知縣嚴霜十四年教諭胡喬三十三知縣張庚總脩

本朝康熙二十三年知縣雷闢四十八年知縣蔣爾庸增修

學田地三十七畝五分租銀七兩九錢三分九釐六毫

城固縣學

大學

在縣治東南宋崇寧二年建元大德八年脩翰林學

士王和周記明洪武四年縣丞劉翱嘉靖四十五年知縣楊守正萬曆元年知縣喬起鳳十三年知縣劉克義相繼增脩邑人黃九成有記

本朝康熙二十三年知縣徐永祚二十七年知縣胡一俊四十五年署縣王穆重脩



社學雍正五年新設一在縣城內一在蘓留村一在古路壩

學田地五十畝七釐租銀一十一兩七錢七分七釐

洋縣學

大學

唐天寶時建於城東宋治平中知州蔡交遷治西南元

末兵燬明洪武四年縣丞潘謹言復建於城東弘治十二年知

縣崔璽捐脩府訓導姜鍾秀記正德六年知縣宋銳重脩員外

郎張嘉謨記十三年縣丞傅卿重脩郡別駕王珪記嘉靖九年

御史方遠宜捐金命知縣李維幾改建於縣治西北隅

本朝康熙三年知縣柯棟增修城固令毛際可記二十三年知縣劉

嗣季二十八年知縣謝景安又脩

義學一在縣治右一在縣治東渭門鎮

學田地一頃六十二畝一分租銀一十五兩二錢三分八釐又

大麥六石三斗九升



西鄉縣學

中學

舊在縣治東關元延祐二年知縣宋彥中建宋貞讓

記元末兵燹明洪武十四年訓導姜禮仍建於舊址二十六年

知縣張洪修正統十四年知縣邱俊遷入城在縣治東天順元

年知縣郭瑄修成化十一年知縣李春增脩提學伍福有記弘

治間知縣郭璣正德間知縣陳榮萬曆十年知縣李向春天啓

間知縣程心傳總脩

本朝順治五年知縣張台耀康熙二十三年知縣史左五十六年知

縣王穆又脩

學田地原額並新墾共二頃五十五畝二分租銀一十八兩二

錢六分七釐五毫

鳳縣學

小學

在縣東半里明洪武四年知縣王幾建正統九年叅政

孫毓副使莊觀重脩天順六年知縣馬傑弘治十三年知縣竇



浩嘉靖十四年副使劉彭年相繼增修

學田原額並新墾共五十二畝五分租銀一兩四錢七分

寧羗州學

學中

舊在州城羊鹿坪宋慶曆中建明正統四年指揮胡

貴楊棕奏設衛學移置州治西北成化二十二年改爲州學弘治二年知州張簡重脩提學副使戴珊有記

本朝康熙二十三年知州郭景隆改建四十二年知州石曰琮遷於城東南隅雍正二年署州州同張名標仍遷於州治西北羊鹿坪知州王大士落成

社學在州治南

學田地一十二畝租銀一兩二錢

沔縣學

學小

在縣治西明洪武四年知州王昱建永樂元年重脩成

化十一年知縣侯信十九年知縣張俊嘉靖間知縣馬景張賢



萬曆三十四年知縣萬言策相繼脩崇禎十一年知縣王際明  
重建

本朝順治十年教諭屈靖康熙四十一年知縣林洪烈復脩

龍岡書院即舊諸葛武侯讀書亭在縣北一里卧龍岡後嘉靖

二十一年建按今廢

學田地九十二畝三分租銀一十三兩八錢三分

畧陽縣學

小學

舊在縣治西北隅宋慶曆中建元至元十年縣令李

舜臣明洪武四年知縣常輔重建正統十三年教諭譚志學成

化四年知縣李鑑修正德十四年知縣杜介改置縣治西萬曆

九年知縣王之臣三十七年知縣申如塤天啓元年知縣周延

申又改置

本朝順治間叅將梁加琦脩康熙間知縣李扈施有光重脩



畧陽城卑江水西衝而學宮正居其卑明正德十五年夏江溢城壞學宮悉沒副使呂和行縣卜地於縣治之北命衛知事金坡治其工發贖金三百餘付之五越月而卒役按自元至正十年知縣李舜臣建學於縣治北明洪武四年縣丞葉禮徙學於縣治東北正統十三年大水學壞教諭譚志學脩之成化四年大水學又壞知縣李鑑脩之坡開地掘土得古碑視其記實李舜臣徙學故地蓋自葉禮改徙後凡三遭大水而徙地仍復其故豈非得數哉

提學何景明記

學田俱係山坡陡地未計畝數每年租銀一十兩三錢五分

### 榆林府

府學

中

在府治西即舊衛學明成化八年巡撫余子俊奏建

朝康熙十年同知譚吉璉重脩自爲記雍正九年改爲府學



明成化八年巡撫余子俊言榆林築營寨生聚漸多請立衛學

以訓武胄制可乃即城西地爲學宮指授已有定規未幾遷總

督去十二年丁大容來撫是邦踵成焉大學士劉珣記

武學按碑記成化間巡撫余子俊創武學於南門內日久生徒

渙散縉雲鄭汝璧來撫茲鎮偕觀察劉餘澤假文學西書

院爲武學謀之神木道陳性學并諸將之在鎮者於是改築武

成殿及兩廡儀門鷹揚門周垣皆朱彩階墀皆文石東南隅創

教官公署又於南門西嚮地築射圃建演武堂爲觀射所春秋

祭儀以文廟之次三日規模畧具時萬曆三十七年也迄今百

二十餘年武學久廢尋訪武廟僅存基址但前人

創建所以教育人材之意亦未可泯附錄於此

榆林縣學學小現附府學不另設

學田四十八畝零在城南演武場西自明末拋荒

本朝雍正八年民間報墾在案

懷遠縣學學小係新設現在估計尚未建造

定邊縣學學小係新設現在估計尚未建造



靖邊縣學學小在縣治西北即舊所學明萬曆元年建

本朝雍正八年官紳士庶重脩

興安州

州學

學大

在州治南元至元中知州唐天驥建至正十年達魯花赤

買問重脩鄭均有記明洪武五年知州馬大本重建永樂十四年洪水暴溢學遂頽圯成化四年知州高嵩重脩提學副使伍福有記七年知州王坪十三年知州鄭福正德十五年守道呂和知州鄭琦萬曆十八年知州姚鳳翔二十一年知州陳秉仁相繼脩

本朝順治十七年知州王章康熙七年知州牟文龍十二年總鎮王懷忠署牧吳佳允學正屈必捷重修三十二年知州王希舜副將郭元章同修有記



義學在州治東關

學田三十八畝八分一釐租銀六兩九錢八分五釐八毫

平利縣學小在縣治西明成化間知縣安章脩建隆慶間知縣羅

頊重建

廟學後枕龍山前臨越水實據山川形勝明隆慶間知縣羅頊因文風不振新之割牧愛堂之右隙地復市士民圃地以廣學址歷數載工猶未竣知縣李應華卒其役萬曆六年署縣主簿

高塗增脩

邑令張極記

洵陽縣學

小初在舊縣治西洵水之澣明洪武五年縣令李肅建

成化八年圯於水知縣杜琳遷置今縣治右十一年知縣王延齡拓脩副使余洵記

社學在文廟旁



學田熟地八畝三分三釐租銀五錢

白河縣學

學小在縣治左明成化十二年知縣普暉建

本朝康熙四十七年知縣徐雲弘趙弘烈重脩

紫陽縣學

學小初在縣治舊城西明嘉靖間知縣胡鏜建二十一年

知縣戴本芳萬曆三十五年知縣張繼芳重脩明末寇燬

本朝順治十年知縣李如桂創建於城北尋圯康熙十二年知縣張

麟化二十七年知縣沈麟修四十七年知縣于鯨移建今縣署

西五十年知縣莫吾昭重脩雍正七年知縣李昌宗捐脩

社學在縣城右雍正七年知縣李昌宗建

學田地一十九畝六分租銀三兩一錢四分八毫

石泉縣學

學小在縣治東明洪武四年建

本朝康熙十八年知縣潘瑞奇捐脩雍正五年知縣梁濩增脩



學田熟地一十七畝四分租銀三兩四錢八分

漢陰縣學

學小

在縣治東明洪武五年訓導鄭守方建永樂五年教

諭梁萼重脩成化三年西鄉縣典史柴嵩十年知縣劉明弘治

間知縣張大綸嘉靖間巡茶盛汝謙萬曆十二年知縣袁一翰

十七年知縣周之光相繼脩崇禎十二年知縣張鵬翱因賊燬

重脩

本朝順治五年知縣楊六德康熙二十六年知縣趙世震又脩

學田一十八畝租銀四兩五錢

商州

州學

學大

在州治西金承安三年軍判許安世脩自為記元至元二

十二年知州王珪重脩學正張泰來記大德二年知州張銓又

修明洪武十四年重建正統十三年知縣王敏成化九年參議



崔忠脩弘治十三年知州王瑀正德九年叅議蘓乾重脩太僕  
南鏜記嘉靖十三年撫治蕭廷傑三十二年知州夏文獻脩三  
原馬理記萬曆二十二年撫治王孟煦知州王以孚崇禎十一  
年撫治邊崙鄉紳牛維曜總脩

本朝順治六年知州薛所習十五年知州王思治重建

商山書院在州城北明嘉靖間商洛道郝元洪建萬曆十三年  
移於東龍山下八年商洛道蘓濬移舊地有記明末廢

學田十二畝一分坐落泉村鎮每年徵租八石康熙二十八年  
知州戴良佐捐置以爲諸生濟困之用

鎮安縣學

學小

在縣治西明洪武三年建景泰六年脩正德六年知

縣俞鼎重脩有記萬曆三十一年知縣張鳳翼重脩戶部主事

周字有記



本朝康熙八年知縣許泗增脩寧夏朱永年記

社學在縣治西南

雒南縣學

學小

在縣治西明洪武三年建嘉靖二十五年知縣高綬

重脩光祿寺卿馬理有記隆慶間知縣徐旭萬曆間知縣洪其道天啓間知縣陳應顯總脩

本朝順治十八年知縣暢體元重建朝邑李楷有記

社學在城內西街

學田八十三畝明萬曆間提學臧爾勸置租八石三斗

山陽縣學

學小

在縣治西明成化十三年都察院原傑大司馬余子

俊建十五年知縣楊隆脩督學伍福有記天啓七年署縣徐大佐重脩編脩南居仁有記

本朝康熙二十四年知縣胡范增建李曰棟有記雍正八年署縣朱



文灝重脩

義學在學宮東雍正八年署縣朱文灝建

商南縣學

小舊在縣治南明成化十三年知縣鄭瑛建

本朝康熙間知縣于鯨徙縣治西北

明成化初新設商邑十三年知縣鄭瑛慨然以廟學為慮乃營治南亢爽之地斬荆棘輦瓦礫躬督其役民樂趨之越二年而

告成

長安蕭謙記

社學在縣治西

學地四十畝雍正七年署縣楊毓芳於民報老荒旱地內撥送

儒學招佃認墾以作學田

社學田一百畝零署縣楊毓芳勸輸

同州



州學

學大

在州治西南宋慶曆中建元季兵燹明洪武三年同知邢

權重建正統八年知州秦銘景泰五年知州錢茂律成化間知  
州郝清嘉靖八年知州劉啓東前後重脩有碑記萬曆十七年  
知州鄭璧天啓二年知州張一英復脩

社學五所一在州城一在義井村一在大村一在羗白鎮一在  
念橋村

義學在州治東雍正九年知州馮慶長建

學田五十四畝八分租三石二斗八升八合

朝邑縣學

學大

在縣治東南明洪武三年建萬曆間教諭李振藻重

脩邑人王鑰有記

本朝雍正四年知縣楊臚賜增脩從紳士請以尊經閣舊置宮牆外  
地隣雜廛移建學宮吳方增以重臺一切殿廡宮垣整飭崇煥



各額俱照闕里改至聖殿爲大成殿改戟門爲大成門復於大成門兩掖增建金聲玉振門櫺星門以南建太和元氣坊明倫堂狹甚擴其址繚以垣凡經營閱五載始觀成焉

西河書院在學宮旁康熙十八年知縣朱集義捐設義學雍正九年知縣楊臚賜增建廳房改創書院延師課學以西河爲卜子設教之地故名

社學九所一在城內文廟西康熙十八年知縣朱集義建四十九年知縣王兆鰲重脩餘在趙渡鎮新市鎮新舊大慶關等里學田五十八畝五分六釐六毫租三十三石四斗二升六合四分

郃陽縣學

縣大

在縣治南宋元祐六年知縣李百祿建武陽張侂有

記元末兵燹明洪武二年知縣徐原重建正德七年知縣張綸



萬曆三十八年知縣劉應卜重修

本朝順治六年知縣莊曾明又脩有記

儒學左右舊有禮門無義路前逼隘且缺泮池明萬曆間邑叅政范燧捐宅基易地增設焉且建尊經閣於明倫堂後建樓於泮池之前名魁星樓

縣志

明萬曆三十八年知縣劉應卜謁學周

視學宮見櫺星門外僅二步許即有文廟大坊壓之西有鳳麟呈瑞坊東有河嶽鍾祥坊不在學馳道東西兩隅而在學之中腰乃毅然決之將前一大坊移正南二百步外二坊列於東西馳道之口過大坊有一水橫亘通爲外泮水上架一橋直接南城橋外甃甃一梯濶三丈高五丈可逕登城橋前一小木坊題曰月衢登城向東三十步爲文昌閣又向東百餘步爲魁星樓名宦鄉賢在二門內非制也移二門外內泮池有二溝惡其相



射也填之使平以至堂齋次第舉焉

劉應卜自記

社學四所一在西街文昌祠一在東街元聖祠一在南街崇聖宮一在北街東嶽廟

學田四十七畝四分租一十四石五斗

澄城縣學

大

在縣治西郭宋大觀元年建元至元二十七年知縣

薛文曜皇慶二年知縣張洵重脩有記元末兵燹明洪武六年

知縣王秩重建進士趙寅有記正統四年知縣楊季琦弘治七

年知縣楊泰總脩中書舍人吉人有記嘉靖二十三年知縣鄭

光溥脩尚書韓邦奇有記二十七年知縣徐效賢增脩萬曆十

七年改置縣治北

本朝順治五年知縣姚欽明重建蒲城進士原毓宗有記

社學在縣治南明弘治間知縣楊泰徐政建嘉靖間知縣徐效



賢崇禎間知縣王選重脩

學田四十畝租一十三石七斗二升九合五勺

韓城縣學

大學

在縣治東明洪武四年知縣周吉誠重建天順五年

知縣王鼎脩河東薛瑄記成化十八年知縣吳雄重脩邑人王盛記嘉靖二年知縣鄭鉞增脩唐龍有記萬曆十三年知縣馬攀龍戴章甫總脩邑人張士佩記

本朝順治三年教諭彭冲霄康熙十八年知縣王廷選總脩

蘿石書院在南城外以祀明崇禎間知縣左懋第康熙四十二年知縣康行儗建

社學三所邑城芝川鎮咎村鎮各一區雍正八年知縣劉方夏建

學田二十一畝六釐四毫五絲租銀二十七兩九錢四分二釐



七毫四絲又知縣劉方夏倡捐銀四百四十八兩零典買地二十五畝八分房院一所除納糧外實租銀三十八兩二錢為月課分胙之用

華州

州學

大

在州治東元皇慶中建明洪武三年知州胡惟俊重建天

順元年知州楊勝賢重脩侍郎薛瑄記正德十三年知州桑溥

脩侍郎呂柟記嘉靖三十八年知州朱茹脩按察使喬世寧記

華山書院在儒學北街明嘉靖三十五年知州朱茹建州進士

趙儒記

學田四十八畝四分租六石二斗八升八合

華陰縣學

大

在縣治東明洪武二年縣丞黃文明建正統二年知

縣王貫重脩教諭李輔記嘉靖間知縣李時芳何祥萬曆二年



知縣李承科相繼脩三十九年知縣王九疇重脩蒲州張輝記  
本朝順治十年知縣葉舟十七年知縣劉瑞遠康熙二十三年知縣  
遲維城相繼增修

太華書院在青柯坪萬曆三十六年華陰令崔時芳教諭張輝  
為侍御馮從吾建按今廢

四知書院在縣東二十里明萬曆四十年知縣王九疇建

義學一在嶽鎮一在敷水鎮知縣趙金章建

學田地二頃六畝六分租二十一石九斗三升四合

蒲城縣學

學大

在縣治東後周廣順三年建宋元祐六年知縣陳羔

脩邑人耿南仲記明洪武二年主簿曹秉彛重建天順初知縣  
王傑脩祭酒陳洪謨記成化間知縣黃端正德五年知縣張鏐  
嘉靖元年知縣楊仲璵萬曆四十四年知縣徐吉前後總脩



本朝康熙四年知縣鄧永芳增脩邑進士李復蒸記

正學書院在縣治西明正統間建

本朝知縣張舜舉脩

義學在縣治南街康熙五十二年知縣汪元仕建

學田地六十七畝四分六釐二毫租一十六石八斗六升五合五勺

潼關縣學

中即舊衛學

初在治東明正統四年都指揮僉事姚深

奏建學士陳循記成化十年圯於水十一年遷治西南嘉靖三年指揮孫承宣脩高陵呂柟記二十二年副使周相二十三年副使汪尚寧重脩學遂完美引潼水自南門入折流注之泮池北折而達於黃河華州王維楨記

本朝雍正五年改為縣學



關西書院在道署西雍正七年潼商道張正瑗建

社學一在縣治東街一在縣治西街

學田九十三畝租一十八石六斗又舊有按院置買學地十五

畝學租棉花六十觔

應納本地夏租麥三斗三升六合租糧米三斗三升六合折色銀一錢四釐俱在棉

花內變納

耀州

州學

學小

在州治北宋嘉祐中建明洪武三年知州魏必興重建成

化十一年知州鄧正弘治八年知州任奎總脩嘉靖三十九年

知州江從春增脩

明嘉靖三十九年知州江從春撤故講堂建敬一亭亭後建尊

經閣脩明倫堂與齋廡二門又作泮池引通城渠水注之池南

建石坊門門左右與文廟又各建石望柱二堂基增數尺閣基



高與城齊升堂則望見南山登閣則四望益遠學至是始恢廓

壯麗

州志

文正書院在北城門外二里步壽原巖下故明德寺也今故塔

存嘉靖二年改建提學唐龍記

按今廢

義學在州署西

學田地九十畝一分七釐租三十八石四合六勺二抄

同官縣學

學小

在縣治東明洪武八年知縣魯俊因宋舊址建

崇正書院在縣東北一里故頻山寺嘉靖八年御史王儀行縣

改書院

按今廢

社學在縣治東

白水縣學

學小

在縣治東明洪武三年知縣張三同建有記景泰元

年知縣蓋瓖成化十五年知縣韓睿正德十六年知縣胡山萬



曆三十五年知縣劉夢陽相繼增修

白學棟柱皆柏爲之規度宏偉世相營繕殿有唐吳道子畫先師十哲石刻遺像儒學前爲聚奎坊後崇臺有閣祀文昌南瀕城爲池東南卓起城上者爲魁星樓城東南隅聳峙者爲大魁樓又明倫堂有繫辭說卦傳碑朱子手書蔡氏元定刻

縣志

明德書院在縣治西明崇禎十二年知縣王無逸建有記

本朝順治初知縣王永命以講席久虛改祀杜工部

社學在縣城內康熙五十六年提學覺羅逢泰捐銀一十二兩

置社學地四畝

乾州

州學

大學

在州治東南明洪武四年建天順四年知州何節脩永新

劉定之記萬曆天啓間知州賈一敬周應泰脩



本朝康熙五十六年提學王雲錦知州黃煒脩郡人陳其蘊記

紫陽書院元楊奐建奐少時憂遊朱子紫陽閣遂建書院因以紫陽名之後廢明成化四年知州許珙奉提學副使伍福擇地建祠在今州署東

義學四所在陸陌鎮等里雍正三年建

學田一頃三十畝租四十四石一斗七升

武功縣學

大在縣治東宋崇寧二年知縣趙茂曾建有碑記明洪

武二年知縣嚴祀重建正德十四年提學副使何景明知府劉祥知縣馮瑋增脩萬曆九年知縣曹崇樸重脩邑人張鍊記

本朝康熙二十五年知縣徐奇桂四十八年知縣孫琮重脩

綠野書院在縣南郭外東舊為綠野亭宋儒張子子厚與武功簿張山甫善武功弟子從子厚遊亭此講學焉明弘治八年



水李翰以御史巡按至諸生白其事廼謀於提學副使楊一清  
屬知縣宋學通擴修舊址踰年乃成改曰綠野書院前爲子厚  
祠後建講堂學舍縣志楊公建綠野書院擇士子充於中以訓導  
趙文傑爲之師其規約大率與白鹿睢陽類時西安鳳翔諸生  
聞風踵至公時坐堂上督勸之颯颯乎道學之流行也  
禮部尚書吳寬記

學田二頃一十四畝租七十八石五斗

永壽縣學

小學

舊在縣治西北元延祐七年建致和元年縣尉宋思

義重脩治中單鵠有記明洪武二年重建天順元年知縣郭質  
重脩河東薛瑄有記

本朝康熙八年知縣張焜創建於今縣治東

永邑文風不振焜因謀建學周廻審睇得地二畝許於城之東



北隅糾工庀材於康熙八年告成率師生禮拜間忽祥光繞橋門靈鵲集大成殿無不舉手加額是年鄉試諸生任壽羅萬傑俱中式建學之效傳為盛事

張焜自記

學田三頃一畝五分租銀十三兩一錢三分八釐五毫

邠州

州學

小舊在州治東南宋慶曆中建州守范仲淹有記明洪武

六年判官莫彥榮徙州治西成化十六年知州劉濟重脩郡人

尚書劉昭記

慶曆甲申詔天下建郡縣之學明年春范仲淹為邠城守署事之三日謁廟隘甚因議改卜於郡之東南隅地址高明遂以建

學并其廟遷焉

仲淹自記

學田三頃八畝租三十九石五斗六升八合



三水縣學

學中在縣治東南明成化十四年知縣楊豫建

本朝康熙十年知縣林逢泰重脩邑人文倬天有記

樂育書院在縣治北明萬曆中文在中建

學田二頃七十一畝七分四釐租二十石八斗五升七合

淳化縣學

學小舊在縣治南明洪武二十年徙縣東南隅宣德中知

縣邢清重脩邑人賈我琪有記正德十五年副使何天衢行縣

以學宮逼南城下令署縣事縣丞畢經移置今縣治北光祿卿

馬理有遷廟學碑記萬曆五年知縣李朝忠脩寧州楊棲鳳記

本朝康熙十一年知縣文秉濂二十五年知縣張綸重脩俱有碑記

又堦內有宋大觀二年八行八刑碑

義學一在縣北關一在通潤鎮雍正八年署縣商兆麒建

學田一頃三十八畝三分六釐租一十一石二斗二升四合明



萬曆三十二年提學臧爾勸置知縣歐陽煖有記

長武縣學

學小

在縣治西南明萬曆十二年知縣梁道凝建提學許

孚遠記

明萬曆十一年割宜祿為長武邑治既興學宮鼎建左為廟右為明倫堂兩廡兩齋各如制廟北為啓聖祠戟門之旁為名宦鄉賢祠堂北為尊經閣迤西為敬一亭宮墻之外東為社學西為射圃期月告成諸生籍宜祿改從新學者凡五十有餘人

許孚遠記

鄜州

州學

學中

在州治西南元至正間知州宋居正建明洪武六年同知

金文徵重建並立碑記天順間知州馮迪成化五年知州馬傑總脩十年知州李瓚脩提學伍福有記嘉靖四十年廉訪使王



崇古重脩都御史楊宗氣有記四十五年知州蘓璜因城北三河暴漲學宮傾圮集議捐脩刑部郎中劉仕記崇禎十年副使孔聞諛又脩

本朝順治十六年河西道許瑤十八年叅政李榮宗知州顧耿臣重脩

洛川縣學

中

在縣治西南五十步宋元遺址明洪武七年知縣朱

炳建同知金文徵記成化四年知縣李瓚修提學副使伍福記嘉靖二十五年知縣吉澄增脩三十四年地震圮四十年副使王崇古重脩按察使喬世寧記

泰徵書院在城南崇禎間知縣劉三顧建作臺高二丈許

社學六所東北二關二區餘在朱龍鎮鳳棲鎮等里

義學在縣治西



學田一頃租銀四兩

中部縣學

學小

舊在坊州城明洪武間建成化初知縣劉潔移建縣

治東南弘治中知縣鄭源萬元年知縣衛汝霖增脩崇禎三

年兵燬五年知縣姚一麟徙置上城

本朝康熙二十五年知縣魏力仁脩五十七年知縣杜喬復移建下

城舊址有碑記

宜君縣學

學小

在縣治東明洪武八年知縣金聲建弘治間知縣李

相增脩

本朝順治初知縣鄭名康熙五年知縣周之簡四十四年知縣林鑛

相繼增脩

綏德州

州學

學大

舊在州城西北金承安四年刺史秦守正移州治東嵯峨



山南一百步泰和元年增修有記明洪武間重建景泰間知州張軾修弘治間知州王京增脩萬

九年知州劉思璉重脩

本朝順治十七年知州王元士重建檢討白乃貞御史艾元復俱有碑記

州據形勝襟帶關隴控制靈夏爲用武之地又蒞政者率多武人故學者比內郡爲少袁承安四年刺史秦守正謁廟廟地汙下廣不盈畝廡序像設不具謀徙而大之明年得地於州之東南極亢爽遂營新宮從於陳蔡者像之登於堂其六十二子繪於兩廡鑿宮前土山闢其扉臨通衢甫六月而工畢由是境內及旁郡來學者衆

金康樂寨知寨劉忠記

社學在州治右明嘉靖間知州靳東齊改建

米脂縣學

中

舊在縣治上城元至元間主簿馮安國建明洪武間



知縣解彛重脩弘治九年提學副使楊一清因學基隘令知縣  
陳奎徙今下城之東高陵呂柟記

本朝康熙二十年知縣甯養氣脩雍正五年邑紳士重脩知縣諸葛  
永健有記

社學在縣治北隅

清澗縣學

學大

在縣治西南一百步明洪武六年知縣鄒宗彝建洪

熙元年教諭陳致中修景泰間知縣張定正德六年知縣馬呈  
圖嘉靖間知縣王欽隆慶三年知縣阮孝萬曆四十二年知縣  
陳汝元相繼增脩

本朝順治四年知縣廖元發脩康熙五年知縣江雯重脩邑人檢討  
白乃貞有記

義學四所一在縣署北一在駱駝舖一在田庄舖一在賀家



葭州

州學

中舊在州治南一里故城內山之陽明成化間副使周鼎令

知州劉毓改建於山陰弘治間知州沈理增修萬曆三十一年知州王汝為重脩貢生劉登名有記

本朝順治九年知州戴可進重建十六年知州武弘祖康熙三十九年知州賀勲增脩張金佩有記

社學在州治龍頭岡西

義學在州治東南隅康熙十五年知州孫毓奇建

學田二十五畝零租銀一兩二錢

吳堡縣學

小

在縣治西南元至正間建明洪武三年主簿周琛重

建十四年知縣范平仲宣德十年知縣袁禮修天順五年知縣郭敏移建廟南成化十年知縣劉儀脩嘉靖十九年知縣張弛



重脩同知趙時寧有記萬曆四十一年知縣盧文鴻仍遷廟西  
本朝康熙三十七年知縣沈弘勲改建於文廟戟門外

社學在文廟前舊敬一亭遺址

神木縣學

中

在縣治南明洪武十四年知縣任奉先建正統八年

知縣彭佐廢奎重脩隆慶六年觀察張守中增脩吏部侍郎張  
四維有記

本朝順治八年觀察彭有義知縣程啓朱創脩康熙六年觀察馮翊  
時五十四年觀察羅景相繼捐脩

學田三垧租九斗

府谷縣學

小

在縣治東明洪武十四年知縣齊翺建天順五年知

縣秦紘脩成化十二年知縣賀昭脩訓導都仲良記十六年知  
縣田璋嘉靖十九年知縣柳聯芳萬曆十四年知縣范學顏相



繼脩

本朝順治八年知縣魏震十四年知縣龔榮遇創脩舉人劉無邪記  
康熙五年知縣楊許玉二十四年知縣徐恒繼脩

社學在縣治北街真武廟側雍正五年知縣周會賢建坊立學



經捐修

崇聖寺觀音殿重修記

文淵閣書目

本朝御製八千卷

學習進士唐效



